



Broj: 31-01-11-192-01/20
Sarajevo: 18.03.2020. godina

Na osnovu člana 18. stav (2), člana 10. stav (1) tačka b) Zakona o javnim nabavkama Bosne i Hercegovine („Službeni glasnik BiH“, broj 39/14) (u daljem tekstu: Zakon) i člana 38. Pravila Kantonalne javne ustanove „Odgojni centar Kantona Sarajevo“ broj 35-01-02-461-01/14 od 25.07.2014. godine, broj 35-01-02-266-01/17 od 18.05.2017. godine i broj 35-01-02-315-01/19 od 18.06.2019. godine, direktor KJU „Odgojni centar Kantona Sarajevo“ donosi

ODLUKU

o izuzeću od primjene odredbi Zakona o javnim nabavkama Bosne i Hercegovine

Član 1.

Od primjene odredbi Zakona o javnim nabavkama Bosne i Hercegovine izuzima se nabavka: **Medicinskog, sanitarnog i drugog sitnog inventara namijenjenog za zaštitu od koronavirusa (COVID – 19)** - procijenjenja vrijednost nabavke bez PDV-a iznosi 6.000,00 KM (slovima: šest hiljada i 00/100 KM). Za provođenje nabavke osigurana su sredstva. Ekonomski kod 6134.

Član 2.

Odluka stupa na snagu danom donošenja.

Obrazloženje

Primjenom člana 10. stav (1) tačka b) Zakona, vrši se izuzeće od primjene odredbi Zakona o javnim nabavkama Bosne i Hercegovine za nabavku medicinskog, sanitarnog i drugog sitnog inventara namijenjenog za zaštitu od koronavirusa (COVID – 19), a odnosi se prvenstveno na nabavku zaštitnih maski za lice, zaštitnih rukavica, dezinfekcionih sredstava i ostalog sitnog inventara koje pomaže u zaštiti od infekcije koronavirusom, sa ciljem prevencije od neželjenih efekata eventualne epidemije, kao i zaštite zdravlja korisnika usluga i radnika Odgojnog centra od zaraznih bolesti.

U skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“ broj 39/03, 22/06 i 43/10) donesena je Odluka Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID – 19) na području Kantona Sarajevo broj 02-04-7986-1.1/20 od 18.03.2020. godine kojom se rukovodiocima javnih ustanova nalaže poduzimanje svih mjera koje pomažu u zaštiti od koronavirusa i izvršavanje naredbi Štaba civilne zaštite Kantona Sarajevo.

U cilju hitnog djelovanja na poduzimanju svih neophodnih mjera za zaštitu zdravlja korisnika usluga i radnika Odgojnog centra, uz istovremeno evidentan manjak i nestašicu neophodnih predmetnih sredstava na tržištu, odlučeno je kao u dispozitivu Odluke

Pripremila: Merima Brdarić, po ovlaštenju šef Službe za opšte i zajedničke poslove



Director

Mersad Pindžo

Dostaviti:

- Služba za opšte i zajedničke poslove
- a/a

